

Рамазан зуруй зума дугъаврил ххирашиву

Зума дугъаву – Имандалул мукъва бутул ца бутлар, ссавурданул дачири, эбадатрал кIулар, глааьтирттал, хъинбаларттал гъанур, АллагъначIан гъан шаврил ххуллури. Мунивусса фазилартту, хъиншивуртту чIявуссар. Цайми глааьтирттал аьмаллу халкъуннан ккаккайссар, чIалачIиссар, кIул шайссар, зумарив Аллагънан гъакъа гъачIалачIиссар, цаманан кIул гъа-

шайссар. Му батIинийсса, къюлтIсса аьмалли, Занная гъакъа нигъа увсманал дакъа гъадугъайссар. Занналгу гъа лагъналгу дянивсса эбадатури. Мунину чурххал шагъват гъагъайссар, дакIнил гъава лещайссар, Аллагъ гъа дакIнин агъайссар, шяйтIан-иблис арх шайссар, эбадатрайн гъира багъайссар. Къиямасса Къини дирзун, халкъ бизан бувукун, Аллагъу Тааь-

ланал учинтIиссар Ризваннухъ – Алжаннул ялув ацIухъ: «На зума дугълай бивкIсса халкъ гъаттавагу мякъну, ккашилну бизан бав, миннанмур Алжаннава дучIан да» – куну. Яла Ризваннул оьвкуну Алжаннул къул-лугъчитурайн: «Нурданул глабакъру, ланжартту дурцIуну Алжаннул ахъулсри, хIачIия ласияра», – куну, мий ларсун бучIантIиссар.

Ххирасса динналул уссурвал ва ссурвал!

ДакIнихтуну барча буллай буру цинявша бусурман мубараксса Рамазан барз бучIавришал. Рамазан зурул циняв цацIун буллалиссар, архIал бацIан буллалиссар. Мискинсса ягу авадансса икIу ва зуруй зума дугълагъиссар гъарца бусурманчувнал. Каши дунан дакъанал хIал бувчIуну, мунаву рахIму-цими ххи буллалиссар. Аьрщарай оьрмулул неьматру жунма чIумуйнуссар ва миннуя багъайкун неьмат ласунгу кIулну бикIан аьркинссар. Ххирасса бусурман, Рамазан барз – жулва чурх марцI буккан бай барз бакъассагу, бунагъиртая марцI шай барзри, оьккимуния арх буцай барзри. Ва зуруй жува жула зумату бувккун нанисса мукъул ххирив бавцIуну бикIан аьркинссару. Жула уссур-ссуннай аьй-бювкъурду дуллалисса ихтилатру буллан гъааьркинссару. Мукъул диян дурсса шава яла-яла цIун шаймурди. Аллагънал * хъхъичI цимурцаннухлу жавабру дуллантIими жувару. Ча тIий буру цинявннан ва барз Аллагъу Таабаланаха эбадатрай, дуаьрду дуллай, Къуръан ккалай гъан бувансса цIуллушиву, лагма-ялттуми ххари буллансса бюхъу. Бусурманнал дурсса цимурца ххуймур Аллагънал * къамул дуваннав! Амин.

Ас-салам кказитрал редакция



Ва номерданий :



Шяъбан зурун хас бувсса мажлис



ОьрчIру тарбия бавриха къулагъас хъуннасар



ТаравихI-чак

Ххирасса суннат-чакру

ТасбихIрал чак

ТасбихIрал чак – мукъра ракааьтрайсса чакри. Мунил савав дакъассар, чIун дакъассар, та барчагу байссар. Дяйтта буллай ухъурча мукърагу ракааьт цацIу данссар хъхъувай буллай ухъурча кIи-кIира личIийну данссар. Му байсса куцгу: «на нийят дурунни тасбихIрал ссуннатсса чаклил кIира ракааьт дан (ягу мукъра ракааьт дан) Аллагъу акбар» – куну бахIинссар. Яла альхIам буккинссар, яла ци бунугу ца сура буккинссар, яла къус икIаннин ацIиния ххюйла «субхIаналлагъи вальхIамдуллилагъи ва ла илагъа илла-ллагъу валлагъу акбар» -учинссар. Яла рукуьрайн къус ивкIукунгу ацIилва

учинссар мува махъ, яла лавай гъаз хъуну эьтилдануву учинссар мува махъ ацIийлва, яла суждалигъу учинссар ацIийлва. Яла кIивагу суждалул дянив-гу учинссар ацIийлва, ялагу суждалу-ву учинссар ацIийлва. Суждалия гъаз хъуну лавай изаннингу учинссар шяивкIун ацIийлва, яла лавай ивзун альхIам буккинссар, му ракааьтрайгу учинссар кIукунма. Ца ракааьтрай аруцIаллий ххюва шайссар. Мукъра-гу ракааьтрай шанттуршва шайссар. Миннул гъарцаннил хъирив «ла хIавла ва ла къуввата илла биллагъил аьлий-ил аьзим» учавугу хъиннува хъинссар. Му чак баврил чиригу хъинну хъун-массар. Гъарца бунагъирттал бувму-

нилгу, бантIиймунилгу, чIивимунилгу, хъунмунилгу, загъирмунилгу, къюлтIмунилгу, къасттирай бувмунил-гу, хатIалий бувмунилгу – гъарцаннул аьфву байссар. Му мукун буван Идав-сил гъа Аббаслун гъа лахъхъин бувну, булува куну васият бувссар. ХIатта, гъарца къини цал баванссар. Мукун къахъурча нюжмярдий цал баванссар. Мукунгу къахъурча зуруй цал баванс-сар. Мукунгу къахъурча шинай цал ба-ванссар. Мукунгу къахъурча оьрмулий цалвагу къабувнувагу къабитанссар.

Аввабин чак

МаркIачIан чаклил хъиривсса ссуннат чак бувну махъ хъатIан чак баннин

дянив байсса чак буссар аввабин-чак тIисса. Цуппагудянив цамур ихтилат къабувну баву хъинссар. Мунил яла чанмур кIира ракааьтри, амма мукъ-ра ягу ряхра даву хъиннува хъинс-сар. КIира дурнан алжаннаву кIива чIалгъав байссар арцу мусийл. Мукъра дурнал мукъцIалла шинайсса буна-гъирттал аьпа байссар, ряхра дарча – шинай дурсса эбадатрашал аьрхIал бацIайссар. Мунил му къини бувсса оьсса ишру яла гъан байссар, ахиргу марцI дайссар. Му хъинну ххирасса чакри. Даин ялув авцIуну буллалаву хъинссар. АльхIам бувккуну махъ ххю-ххюва «Къулгъу» (сура "Ал-Ихлас") буккавугу хъинссар.

Шьябан зурун хас бувсса мажлис

Мухаммад Идавсил ﷺ хадисраву увкун бур: «Ца ххуйсса мажлисрал азарва оьккисса мажлисрал бунагъру шюшайссар», – куну. Аллагънайн ﷻ шукру, жучIара цIанасса чIумал мукунсса барачатсса мажлисру булансса сант дур.

макъала: Мурад ХIасанов

Июнь зурул 25-нний Новостройрайсса ДучIиннал шараву хъунни шаббан зурун хас бувсса хъунмасса мажлис ва мавлуд. Администрациялул бакIчиная тIайла хъуну, щалвагу шяраваллил жамят Мавлудраву гуртту хъунни, мажлис бан бувкIминнал чIарав хъинну бавцIунни. Мажлисрай вяъза-насихIат бан бувкIун бия Новостройрайсса ва Лаккуйсса шяраваллил имамтал, аьлимтал. Мажлис бачин бувну ия ЦIусса ЧIурттажийл имам Хаваев Мансур-хIажи. Ванал бувсунни динналул элму лахъхъаврил, оьрчIру Исламрал ккаккан бувсса куцIуй тарбия баврил агъамшивру. Хъирив махъ лавхъунни Новолакрал имам Муршиев Мухаммадлул. Ванал бувсунни жула Идавсил ﷺ хадисиртгаву ва Къуръандулуву бумур цIанасса чIумал ученыйтурал тасттикъ буллаи бушиву. «Къуръандалул яла хъуннамур карамат – му азалий мукъттуршрахъул шиннардий царагу хIарп даххана къархъуну, Идавсил ﷺ заманнай бивкIсса кунма ливчIун бушиву, цанчирча, Аллагънал ﷻ увкуну буссар (мяъна): «На гъан бав зучIан ва Къуръан, На ва бурччаву Тгуйнма ласав», – куну. Мияжнунугу, циксса динналул душмантурал га баххана бан хIарачат булларчагу, гайннаща ца хIарпрагу личIи дан къабювхъуссар» – увкунни имамнал.



Хъирив махъ лавхъунни Ассалам кказитрал менеджер Шахмарданов Русланлул. Ванал бувсунни цIана хъанахъисса халкъ литIавурттал, пякъ учин бавурттал ИсламрацIал дархIусса цичIав дакъашиву.



Новостройрайсса ЦIусса Ккуллал шяраваллил имам Мухаммадов ХIасан-хIажинал бувсунни Къуръандалул кIиматрая, му буккавил ххирашивруя, буккайманан Аллагъу Тааьланал булайсса хъунмасса чирлуя. «Мухаммад Идавсил ﷺ хадисраву увкуну бур:

«Зувату яла ххуйми – Къуръангу лавхъуну цайминнагу лахъхъин баймири». Гъарца бувккисса суралух, аятрах, хIарпирах хъинну хъунмасса чир чичайссар» – увкунни ХIасан-хIажинал. Мажлисрай вяъза бунни Египетнавусса Аль-Азгъар университет бувккисса Тюхчардал шяраваллил имам Эфендиев Ярагъинал. «Жунма алши-талихI хъуну бур Аллагъу Тааьланал жува бусурманталну хъун бувнутIий. Мунияту жува пикри бан аьркинни жува дунияллийн циван лавхъссарив. Аллагъ ﷻ тIий ур Къуръандалий (мяъна): «На ляхъан бав инсанталгу жиндригу так Тгуйнна Эбадат дулланшиврул». Мукун бухъувкун, гъарца цува бусурманчувра тIисса инсаннан чансса пикри бан аьркинни, жунма аькълугу буллуно бухъувкун» – увкунни аьлимчувнал. Хъирив махъ лавхъунни Гъазиз-Гъумучиял имам Саламов Мухаммад-хIажинал. Ванал бувсунни гъарца шяраву динналул элму дурккисса аьлимтал бикIан аьркиншиву, мунийну шяравусса жагъилтал, дуклаки оьрчIру бийкIусса ххуллурдайх лагаврия бурувччуну бикIантIишиву ва щаллагу шяраваллил жамятран барачатну бикIантIишиву. Жамятрал чулуха мажлис хъун бан бувкIминнахъ барчаллагъ увкунни Аьзиев ЯхIя Шамсудиновичлул. Дагъустаннал Бусурманнал Динналул Идаралул чулуха махъ лавхъунни МахIачкъалаливсса Сайфуллагъ-къадинал цIанийсса мизитрал имам Тумалаев Давуд-хIажинал. Хъинну хIайран хъунсса мавлудру ккалай бия Хъанардал шяраватусса ва Новолакрясса мутааьлимтал. Мудангу цацIун хъуну укун барачатсса мажлисру буллан Аллагънал ﷻ тавфикъ булуннав! Амин.



Ви́ла ялув ацIу

Хъунасса аьлимчув, валий, гъижралул кIилчинмур ттуршукулий яхъанай ивкIсса Сарий Ас-СакъатIий тIий ивкIссар: «Аллагъ ﷻ ххирамари мияжнунугу оьрму бутлатима. Дунияллул неъматирттал хъирив агъма гъалак хъумари. Ахират хъама диртун, так дунияллул хъирив агъма – ахIмакъри. Акълу бумарив уссар цавурасса диялдакъашивуртта луглай, гай дакъбин даншиврул».

макъала: ХIабиб Тажудинов

Аллагъу Тааьланал Къуръандалулу жуйнма амру бувну бур гъарца ишираву зулва ялув бацIияра тIий (мяъна): «Я иман дирхъумий, Аллагънайн ﷻ нигъа бувсун бики, Къиямасса кьинилин ци хIадур дуллаи бурув ххал буvara, хIакъну, Аллагънал ﷻ кIулссар зу дуллалимур». Ва аятраву Аллагъ ﷻ амру буллаи ур жува байсса гъарца аьмал пикри бувну баван. Муниятур Оьмар-асхIабнал ﷺ учайсса бивкIсса: «Зунна зува хIисаб дувара, Къиямасса кьини даннин, зулва аьмаллу буцияра, Къиямасса кьини цинцилттай бивхъуну буциннин». Ца асхIаб ИдавсичIан ﷺ увкIун, цанма насихIат бува куну миннат бувну бур. Идавсил ﷺ увккиссар: «Цибунугу бан ччан бивкIукун, цал ганил хIасил цукунсса хъунавав куну, пикри бува. Муниву хайр бухъурча, бува, бакъахъурча – мабара». Цамур хадисравугу увкуну бур, аькълу бусса инсаннал кьинилун цал пикри бан аьркиншиву цалва аьмаллая, ва бунагъирттая ва хатIардая пашман хъуну тавба дан. Жунмарив муданмагу тавба дуллан аьркинни, цанчирча жулва заманнай бунагърая марцIну личIан хъиннува захIматнутIий. КIулну ягу къакIулну жува хъинну чIавусса бунагъру буллаи бур, мунияту гъарца чаклил хъирив чIявуну «астагъфируллагъ» тIий бунагъирттая пашман хъуну, Аллагънахъ ﷻ багъишла битаву чIа тIун аьркинссар. Къуръандалулу увкуну бур (мяъна): «Зу циняв тавба дуллал, талихIрайн буккантIиссару». Ва аятраву Аллагънал ﷻ так бунагъру байми личIи бувну бакъарча, аьмну цинявнайнвагу амру буллаи ур тавба дуллан. Ца чIумал Абу ТIалхIа тIисса асхIаб цалва багъраву чак буллаи унува ганан бавну бур хъинну исвагъину балай тIисса чIемуллул чIу. Ганил хIайран увну цалла цими ракааьт дурссарив хъама бивтун бур. АсхIаб хъинну пашман хъуну, пикридавун агъну, увкIун ур ИдавсичIан ﷺ, бувсун бур цанма хъумур. Яла увкуну бур: «Я Расуллулагъ ﷺ. На ва багъ Аллагънал ﷻ ххуллий буллаи ура, ванин винам ччимур ба!» – куну. Аллагъ ﷻ кIицI лагаврия цува айшун уллалимур ганал укра дуллуно гъан дурну дур. Анас бин Малик ﷺ буслай ивкIссар: «Оьмар-асхIаб ﷺ халифсса заманнай на ганашал ца багъравун лавгссияв. Ттун ккакккунна багъравугу авцIуну Оьмар-асхIаб ﷺ цахъва цува тIий: «Я Оьмар Бин ХатIаб, валлагъи, ягу ина Аллагънайн ﷻ нигъа увсун икIантIиссара, ягу Заннал ﷻ вин танмихI бантIиссар», – тIий. ЩяйтIан бикIайссар личIи-личIисса ххуллурдайх инсан аьйкъин ансса хIарачат буллаи, мунияту ганил хIиллардая ххассал хъун чIявуминнаща къашайссар. Мунияту гъарцагу муьминчунан аьркинссар Идавсил ﷺ суннат бувгъуну, Аллагънал ﷻ ххуллий ачин. Ца хадисраву увкуну бур: «Ххуйсса муьминчувнал щяйтIан буххан бувну илтIа байссар, лахъисса сапарданай инсаннал варани илтIа байсса кунма». Аллагънал ﷻ тавфикъ булуннав щяйтIаннул хъяврин бувминнавух къахъун, жулва аьмаллайну щяйтIангу заав бан. Амин.

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад-хаджи АБДУЛАЕВ
заместитель муфтия РД
Махди-хаджи МУТАИЛОВ

Главный редактор
Патимат ГАМЗАТОВА

Редактор
Иса ОМАРОВ

Канонический редактор
Курамухаммад МАГОМЕДОВ

Ответственный секретарь
Ахмад МАГОМЕДОВ

Менеджер
Абдусабир АХМЕДОВ

Дизайн, вёрстка
Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г.
При перепечатке ссылка обязательна.
Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20

Заказ № _____

Тираж 2870 экз.
Сдано в печать 29 июня 2011 г. в 20:00

Индекс 51388
Адрес редакции
367015, РД, г. Махачкала,
ул. Аскерханова 13а.
Тел.: (8722) 51-85-22.

По вопросам подписки и доставки обращаться по телефону:
по Республике Дагестан – 8-988-699-28-24
по г. Махачкале – (8722) 914-222.

E-mail: assalamlak@mail.ru;
www.assalam.ru

ОьрчIру тарбия бавриха кьулагьас хьуннассар

Кьубиял шярваллил имамнащIалсса ихтилат

Гаджимурадов Шихмурад, увссар 1967 шинал Хивский райондалул ЧеретIисса шяраву. АщIва классгу бувккун увхссар Саратовский Госуниверситетравун. Микку дуклайгу ивкIун увхссар Шурагьсса Исламрал университетравун. КIилчинмур курс кьуртал буну махь, Кьубиял шярваллил жамятрал тIалавшиннарайн буну, лавгссар имамну зун.



Шихмурад-хIажи, хIакьинусса кьини Кьубиял шяравусса динналул тагьар цукунсса дур?

Кьубиял шярваллил жамят дин дусса бур. Коммунистьурал чIумалгу мавлудру, кьулгьурду буккайсса бивкIун бур, хIатта хьамигума бур дакIних мавлудру дуккин кIулсса. Динналул чулхунмайсса ябитаву хьинну ххуйсса дур. Шиккун учIайхттува ттун ххал хьуна инсантуравусса динналул хчаву. Габия Рамазан барз – таравихI чакру байсса чIун. Гай шиннардийва нюзмар чаклин 15-20 инсан бучIайва. Цанагу эдрал чаклин 70-80 инсан бучIай.

Имамну зий цукун айивхьура?

Имамну зун айивхьура мюрщисса оьрчIахь дарсру дихьлай. Жагьилталгу динналул гьан хьанан бивкIуна чак булла, динналул тIалавшиннардун битгур дулла.

Ина шиккун зун увкIния шиннай динналул чулхуннай цукунсса даханашивуртту хьур?

Хасну бивкIулуву дайсса аьдатирттаву даханашиву хьунни: бивкIулул таъзиятрал кьинирду шанна дакьа кьадайссар, мукьилчинмур кьини

таъзият лакьайссар. Цайми лакрал шярваллил жамятирттахьгу учивияв, бивкIулий баймур ккаккьялун кьабуллай, хьатIай кунмасса супрарду кьатIитIлай, имамнахгу вичи дирхьуну, ивкIуманан мюнпат хьунсса куццуй, шариатрайн буну бивкIурду тIайла буккаван.

Имамнал давриву цукунсса захIматшивурттащIал хьуна аькин багьай?

ЛичIисса захIматшивуртту хьуна кьадакьай, цанчирча, жамят дин ххирасса бур, давугу хьхьичIуннай най дур, альхIамдуллилагь щукру.

Дуклаки оьрчIащIал, жагьилтуртащIал цукунсса даву дувару?

Жу мудангу жагьилтуран ва дуклаки оьрчIан бувчIин булла бур нитти-буттан, хьуниминнан хIурмат бан аьркиншиву, адав дуну бикIан аьркиншиву. ОьрчIал цала нитти-буттан цуксса хIурмат буврив, мукссава цала оьрчIал цанмагу хIурмат бикIантIиссар. На навагу школалий дарсру дихьлай ура, мунияту оьрчIру тIайлану тарбия бавриха кьулагьас хьуннассар. Гьарца классраву буссар чак байсса оьрчIру.

Кьубав хьхьичIва бивкIсса аьлимтурая ци бусан хьунссар?

Жамятрал бусаврин буну, хьхьичIва Кьубиял шяраву ивкIун ур жула МухIаммад Идавсил ﷺ наслулиясса Итулав-кьади тIисса аьлимчув. Цамагу аьлимчув ивкIун ур ХIасан тIисса, ччанну кьазузисса, муначIа байсса бивкIун бур таравихIругу. Ми бакьасса цаймигу хьунисса аьлимтал бивкIун бур. Коммунистьурал цукссагу хIарачат буну бур миннал цIардура тарихрава лиххан дан. Совет хIукуматрал динналий кьадакьа дирхьунугу, Кьубиял жамятрал дин кьакадиртун дур.

Шяравусса мизит та бувсса бур?

ЖучIа цIанакулгу ливчIун бур бухса хьхьичIвасса мизит. Буссар цIуну бувсса мизитту. Щумур мизит бувссар 1997-ку шинал Гьизиев Гьазил кумаграйну. Мунан хьунмасса барчаллагь

хьунав, хьинну ххуйсса мизит бур. Динналул давриву ва цIусса мизит хьинну агьамну ляхьхьунни жамятран. 1998-ку шинал шинмай нюзмар-чакгу буйвайссар вягза-хутIбагу бувккуну. Гьарца шинал рабиобл-аввал зуруй щала шярваллил жамят цацIун хьуну мавлудругу дувайссар.

Шихмурад-хIажи, Кьубиял шяраву Ас-салам кказит чичаву цукун най дур?

Жул шяраву Ас-салам кказит гьарца кьатлувун буххайссар. Жамят хьинну рязину бикIай кказит чичин, чивчукунгу бучIаннин ялугьлай бикIай. Ас-саламраву яла хьинмур, дунияллий ва ахиратраву яла мюнпатмур чивчуну бикIай. Ва кказитрал чIявучин жул жамят бунагрия буруччин бай, муний миннан бувчIинну Исламрая чивчуну бунутIий. Ас-салам ттигу кьачивчуниннайну оьвтIий ура, кказит чичара, мюнпатну ляхьинтIиссар!

Жул буккултран цукунсса насихIат банна?

Цинявпагу бусурманнан чIа тIий ура Аллагнайн ﷺ , Кьиямасса кьинилин вихну бикIан, Заннаяту ﷺ нигьа бувсун, хIарамунияту архну бикIан. Мукунма, чIа тIий ура куннал-куннан хIурматрай бикIан, куннан-ку уссурвал кунма ххирану. Идавсил ﷺ хIадис буссар «Хьинбалартту буллалира, кьабюхьлай бухьурча, оьмурвагу мабулларди» – тIисса. Ва хIадис гьануну лавсун, дакIру марцIсса бусурманталну бикIияра!

Мукунма, лакрал жамятрайн оьвтIий ура зула оьрчIру иман-исламраву тIарбия бувара, тIайласса динналий буруччара, цанчирча, хаснува цIанасса захIматсса, питнарду чIявусса чIумал чIумуву ххассалшиву муниву дунутIий.

Аллагу Тааьлал жулагу, жула ливтIуминналгу бунагьру багьишла битаннав, балардая, питнардая Дагьусттангу, щалвагу бусурманнал умматгу буруччиннав. Аллагуамма амин.

Ихтилат бувссар Сайфуллагь МухIаммадаьлиевлул



Идавстурал паччахI

Я МухIаммад ﷺ , я ХIабиб ﷺ , Жул идавстурал паччахI Ина хьинну ххиранан Барачат ликкантIисса.

Так ина савав хьунур Дуниял-ахиратрав Жу ххассал бувантIисса Жула ххирацца Заннал ﷺ .

Кьиямасса кьинигу Ххассал хьун умуд бунал Так вийн вихшала дача Кумаг цанма хьуншиврийн.

Заннал ﷺ Кьурьандалува Вияту бувсун бури, ЦимилушIал цинявнайн ТIайла увну ушиву.

Дуньяллийн укканнина Вил василагьирайну Цинявпагу идавстал Заннайн ﷺ леххаврий бивкIссар.

Дунияллий ляхьхьуну Ахиратлухьхьун гьаннин Баргь кунна чанна лархьна Муьжизатру вил диркIссар.

Ттуруллив мудан ялув Так вин ххют дулла, диркIссар, Аьрщи, чартту, уртту-щин Вихь гьалгьа тIийнна диркIссар.

Кьусаликкуртгал дянив Мугьру бившуну бивкIссар, Цинявпа идавстурал ПаччахI ина ушиврий.

Ца ина акьа идавс Митьражрайн гьаз кьавхьуссар, Луттирдава ххирамур Кьурьан вичIан гьан бувссар.

Таврат, Инжил ва Забур Халкьуннал баччан бувссар, Так ца вил ххира Кьурьан Ххира Заннал ﷺ ябувссар.

ХьхьичI заманнул кашистал Вих ялугьлайнама бивкIссар, ХIабибнал ﷺ умматрава Цивпагу хьун чай бивкIссар.

Та Кьиямасса кьини Шафааьт булунтIиссар, Ина ххирану бивкIнал Вил кагу дугьантIиссар.

Идавсия ﷺ чIяруну Салават дутлай бивкIмий Цала хIавзиярату НахIала бан бантIиссар.

Яла хьинмур хасият Заннал ﷺ вин нясив дурссар, Цала умматирая Мудан дакI цIий икIансса.

Дуниял-ахиратлув Хьинмур цув буслий ивкIссар, Нурданул лавхь хIадисру Умматиннан кьабивтссар.

Махьру чансса бунугу Мягнамур хьинну кIуртIсса, Аьрифунтуран дакьа ХIикматшиву кьакIулсса.

ХIабибнал ﷺ караматру Хьинну гьарзасса дуссар, Циксса чичлай бунугу Циняр чичин кьашайссар.

Му ХIабиб ﷺ савав хьуну Аьрш, Курс, Кьалам хьун бувссар, ХIабибнал ﷺ ххирашиврух Дуниял ляхьан дурссар.

Заннал ﷺ лагьартуннаву Яла кьамат лавайма, Даражалул хьуншиву Заннан ﷺ бакьа кьакIулма.

Жувагу, мунал уммат, Умудирай бикIанну Аллагьнал ﷻ цIимилийну АрхIал бизан баншиврий.

ФатIима, ш. МахIачкьала

Зумалул журарду

Исламрал рукнурдал мукьилчин-мур рукну – Рамазан барз бугъавури. Гьарца цилла шартирдашал, рукнурдашал, адабиртгашал, къамул хьунсса куццуй щаллуну Рамазан барз къабугъайсса инсаннал Ислам барт къалагайссар. Му бусурманчувгу къашайссар. Зума дугъавугу шанна куццуйсса дуссар: шаръэйсса, тарикхийсса, хлакьикхийсса.

Шаръэйсса зума – шинай цал бучайсса Рамазан барз бугъавури, дукансса къадуркуну, хлачансса къахларчуну, цайми зума личайсса зад къадуркуну. Му зума ялув даврил хикматту – Адам идавс ﷺ Алжаннавун авкъукун, мунал миву мадукара увкусса мурхьирая ахьулсса дуркуну, мунал лякълуву зувива гьантлий ливчйссар му бувкусса лукьмалул асар. Яла Адамлул ﷺ тавба дурну, Аллагьналгу ﷻ къамул дурну махъ, Аллагь Тааьланал амру бувссар зувира хьхьу-къини зума дургьуну икълу, зад мадукара куну, му мурхьирая дуркусса задрал асар гьаннин. Мунал наслулийгу ялув бувссар мукунма шинай зувива гьантта бугъан, хьхьу-къини цал дакъа зад къадуркуну. Яла Аллагь Тааьланал, Мухаммадул ﷺ умматиннан бигъа бан, дяхтта дугъан хьхьурай дитан амру бувссар. Ялагу, му ялув даврил хикмат – Аллагь Тааьланал инсаннал чурх-нафс ляхъан бувукун, мунихъ увкуссар Аллагь Тааьланал: «На цура, ина цура?» – куну. Чурххал увкуссар: «Ина ина ура, на на бура» – куну. Яла Аллагь Тааьланал муни аьзаб дуллуссар ттуршра шинай Дуржагьрал царайну. Яла буккан бувну царавату суал бувссар мукунма. Гава куццуй увкуссар цунилгу. Ялагу ттуршра шинай ккашил царавун бавкуссар. Ялагу буккан бувну суал бувссар: «Ина цура, на цура?» – куну. Яла увкуссар му чурххал: «Ина ттул Аллагьра, на Вил лагьра» – куну, икьрал дурну мукру хьуссар. Мукун, ккашийну бакъа инсаннал чурх мютий къавхьуну тий, ялув дурссар зума. Масъала, инсаннал чурх цинма ччикун, ччитари цинна ччимур дукрагу канай, дакьгу къанкъа хьуну, Аллагьгу ﷻ дакьнин къаагълай,



хлусудшивугу зияда хьуну, му айкьин ан щяйтган буххайсса чурххавунсса ххуллурдугу гьарта хьуну, бунагьрал увцуну иклайссар. Му чурх, яла, зума дугълай ккашил бувукун, дакьгу кълкълу хьуну, хлусудшивугу яла ларгун, Аллагь ﷻ дакьнин агьну, мунайн тавбалийн кьура авну бунагьрая марци шайссар. Мунину мунал чурххавун му айкьин ан буххайсса щяйтганнул ххуллурдугу къума хьуну, бавщуну, буххансса ххуллугу къалякьайссар.

Тарикхийсса зума – цалва гьарца базу хларамунияту, мабара увкумунияту бугъавури, яру хларамсса задирах бургаврияту буруччавури, маз гьибат-бугъандалия, щялмахърая, миннуха лавхъхьусса цайми задирттаяту буруччавури. Мукунма, вичи оьккисса задрах вичидишаврияту дуруччавури, ка щинчав зарал баврияту дуруччавури, ччан хларамсса кланайн бачаврияту буруччавури. Мукунма, гьарца базу хларамунияту буруччавури. Гьарца риягърая (ккаккялун

дуллалаву), сумагърая (машгьур хьуну ччаву), хлусудшивура, такабуршивуру (дакь хьуншиву), миннун лавхъхьусса гьарца къювкъусса тлуллаяту марцину иклавури. Му тарикхийсса зумалулгу ца чун дакъассар, дургьуну икланссар. Ми затирттая уруччирча, му зума шайссар. Минния цавагу барча, му зума личайссар. Мугу салихйсса, эбадат дуллалисса лагьту-рал даражари.

Хлакьикхийсса зума – цалла дакь дуруччавури Аллагь ﷻ акъасса цамур зад ччаврияту, дунияллул пикрирдаяту, оьккисса ниятраяту. Хьус, хьуншиву, Аллагь ﷻ акъа цамур зад ччива куну дакьнин багъаврияту айщавури. Мугу идавстурал, сиддикьинтурал, Аллагьначлан ﷻ гьанминнал даражари. Му даражалийн къаияйссар Аллагь ﷻ акъасса, цимурца къадиртун загьид къавхьусса. Ца чансарагу зад ччива куну дакьнин багъарча, му зума зия шайссар.

Фаризасса зумалул шартру

Рамазан зуруй фаризасса, чара бакъа дугъан аьркинсса зума ялув шаврингу, щаллу шаврингу цаппара шартру дуссар:

1. Зума дугъайсса инсан бусурмансса иклавури. Чапурчунал, муртаднал зума хлсав дакъассар.
2. Балугъ хьусса иклавури. Балугьравун къаувхнай зума ялув дакъассар. Амма нитти-буттай ялувссар арулла шин хьусса оьрчан дугьи куну амру бан. Ацра шин хьувкун къадугьарча, ришун бучйссар.
3. Щарссанин – хлайз-нифасрая марцину иклавури. Хлайз нанисса, оьрчи бувсса щарссанил зума хлсав дакъассар марци хьуннин. Зума дургьуну дуна, хлайз ялун биярча, ягу оьрчи барча, му зумагу къахисавссар. Мукун лирчисса зумарду хьирив лахъан аьркинссар.
4. Дугъан каши дусса, къувват дусса иклавури. Хьиннува хьунав хьус-

са, заэвсса, къашавайсса, дугьарча чурххан зарал хъанахьйсса инсаннай зума ялув дакъассар. Чанкъансса лякьа, бакь ций бур куну-рив, ритан къабучйссар. Чак кутла бан бучйсса, лахъйсса ссапарданий нанисса инсаннайгу ялув дакъассар, ритан бучйссар, яла хьирив лахъанссар. Му сапарданий дугъаврийну, чансарагу чурххан зарал хъанай, заэв хъанай ухьурча, дугъавунир ритаву хьинссар. Къахъанай бухьурчарив, дугъаву ххирассар. Лякълуву оьрчи бусса, ккуккулий ттихъайсса оьрчи бусса щарссанингу ритан ххуллу буссар, я цинма, я оьрчан дугъавриву зарал хъанай бухьурча. Мукунма, ца гьалак хьуну нанисса хлайван, инсан ххассал аншиврулгу ритан дурусъсар, къариртун ххассар ан къабюхълай бухьурча, хьхьиривун оькьлай, ягу неххал лавсун най, ягу цамур савав

духьурча. Фаризасса зума дугъайсса инсаннал хьхьурайра ният дан аьркинссар. Мунил чунгу – баргь лавгун махъ чани дукканнинни. Я мунир хьхьичи, я мунир махъ дурну къахисавссар. Хлатта, чливисса оьрчал зума дугъантлий ухьурчагу, муналгу ният дан аьркинссар. Му чумал ният дан къархьуну, хъама риртун личларча, му зума къахисавссар, хьирив лахъан аьркинссар. Амма му къинигу дукра дукан къабучйссар. Щалва барз бугъан куну Рамазан зурул хьхьичира-хьхьичйсса хьхьуну ният дарчагу, ният дан хъама риртесса къини дургьусса зума мунину щаллу шайссар. Му ният дайсса куцгу: «Ният дурунни на зума дугъан гьунтгий ва шинал Рамазан зурул фарийза тлайла буккавриятусса, Аллагь Акбар» – куну данссар.

Рамазан зурул ххирашиву

Рамазан зурул хьхьичира-хьхьичйсса хьхьу дуркьукун, Алжаннул хьулурду тивтуну, му барз гьаннин къалакьайссар. Дуржагьрал хьулурду лакьайссар, му барз гьаннин къатитлайссар. Щяйтгантал байшун байссар, иблислуй къатла бишайссар. Ливтумий ххари шайссар, уттавамий рахлат шайссар. Оьшивуртту къачичайссар, хьиншивуртту ацлийну чичайссар. Буцири бунагьирттал аьфву байссар. Аьзаврая ххассал байссар. Рамазан – хьинну барачатсса барзри. Муниву бувсса ца фаризалул чири, цамур зуруй бувсса арулцалуннилукусса буссар. Мунивусса фазиларду чйаруссар, хьиншивуртту, хьуншивуртту чйаруссар, цайми зурдардунияр гьарзассар. Му зуруй дурсса дуаьлхьхьун Аллагь Тааьланал жаваб дулайссар, садакьа къамул байссар, тлааьтру ххирассар, эбадат къамулссар, ливтумий неьматравуссар. Хлатта, мунивусса гьарца сьятраву цларан хлакь хьусса ряхттуршазара инсан тархъан итайссар. Щалва зуруй тархъан бивтссаксса ца Лайлатул-Кьадрилул хьхьуну тархъан битайссар. Мий цинявукусса ца Зума ривавал байранналул къинигу тархъан битайссар. Махъра-махъса хьхьуну ссаврду, лухччив, малаиктал аьтун биклайссар, ххирасса умматиннан мюнпат бусса барз лагаврий. Мунил аввал дайдихьу – цимири, дянивалу – бунагьирттал аьфву бавур, ахир – цларая тархъан битавур. Хласил, му Рамазан барз шинал дакьри, му саламат бувну, мунил хурматгу бурувчуну, Аллагь ﷻ кьичи лагавугу, тлааьт-эбадатту чйарусса дурну, жамааьтрайгу ялув авцуну, Кьурьангу чйавуну буклай, мизитраву иьтикаф чйаруну дурну, хларамсса, оьккисса задругу къабувну бусурманнан хкумаг буллай, дуаьрттугу чйарусса дурну, садакьарттугу чйавусса бувну ххуйну тлайла буккарча, щалла шингу саламат шайссар, зарал къабивну личайссар. Му шинаву бувцири бунагьиртталгу аьпа байссар. Къияматсса къини му барз ххуйсса суратрай бувкун, Аллагьнал ﷻ хьхьичи суждалийн багьну, Аллагьнахъ ﷻ чла чинтйссар цилва хурмат бурувчумий. Аллагьналгу ﷻ: «Буца вилва хлакь бурувчумий», – чинтйссар. Яла мунил му Рамазан зуруй зума дугълай, мунил хурмат буручлай бивкьий ка дургьуну, Аллагьнал ﷻ хьхьичиун бувцуну, гайннай хьуншиврул таж биша куну Аллагьнахъ ﷻ чла куну, бишин бантйссар. Аллагь Тааьланал ца малаик ляхъан увну уссар мукьра лажин дусса, ца лажиндарая ца лажиндарайн бияннин мукьазарда шинал ххуллу бусса. Миннул ца лажин Аллагьнайн ﷻ суждалийн дагьна дуссар, ца лажин – Аьрщур-рахманнайн дурургун дуаь дуллай дуссар, Рамазан зуруй зума дугълай бивкьйсса Мухаммад идавсил ﷺ умматиннал аьфву ба, рахьму ба тий. Цагу – Алжаннавун дурургун дуссар, мивун увхманансса хьинбала чла тий. Цагу – Дуржагьравун дурургун дуссар, гивун увхманан аьзаб, обала чла тий. Хласил, рамазан зурувусса хьинбаларттугу, барачатшивугу кьулссания халкьуннан, щаллара шин му барзну дусса хьурдай тунссия.

Зума дугъаврил ссуннату ва карагъатру

Зума дугъайсса инсаннал кIарххилсса дукаву ссуннатсар, къадуркуна дугъавунир, цуксса чансса дукарчагу, хIатта, ца ххув щинал чирчагу. ДачIра, зад къадуркуну дугъавугу къагъатсар. Агълуд-китабрал зумалулгу жулла зумалулгу дянивсса личIишиву мунийнури дусса. Чани букканнин чансса хъхъичI дуркуну, къацIгу марцI баву хъинссар. Канай, къацIливу зад дуна чани буккарча, мугълат бакъа къатIув личин данссар. Мукун барча му зума дурусъссар, хIисавссар. Чани бувкрияв, къабувкрияв тIий щак хъурчагу, къадукаву хъинссар. Щин ялувманал, чани букканни щинавун учIавугу хъинссар, амма махъ учIарчагу зарал бакъассар.

Баргъ лавгшиву мйаьжан шайхту гацIана зума ритавугу суннатсар. ХIатта чак баннин зад дукавугума хъинссар. Чассагуй ритавугу суннатсар. Му бакъа хъурча щинай хъинссар. Амма ва заманаву щинай ритаву суннатсар тIий бур, цанчирча, мунир шубгба бакъасса, хIалалсса хъус дакъанутIий. Зума дитайний: «Аллагъумма лака сумту ва аьла ризкъика афтIарту» – учаву хъинссар.

Цама зума дургъусса инсаннал зума ритансса зад дулавугу суннатсар. Мунал дургъусса зумалул чириксса чирин цанмагу бикIайссар. Зума дургъусса ада-



минал кьуру бизаву, оь бищаву, ахттая махъ сивак дуккаву, хIаммамравун уххаву, чIявусса шанашаву къахъинссар. Шагватрай хъанних ургаву, шпай тIий хъярч-махсара буллалаву – хIарамри. Дукра ккюхIаву, ккарчIулоьчи ккюхIаву, кьункьув, зумув щин ларсун хъиннура гивуннай диян даву – карагъатри. НахIусса, къанкъ дусса задрайн ссунтI учаву, дукралуха зузаву, дукаймуних уругаву – карагъатри. Щялмукъя, гъи-

батрая, мюнпат бакъасса, оьккисса каламрая маз бурувчуну икIаву хъинссар. Цайми-цайми хIарамсса, карагъатсса иширтта-яту урувчуну икIаву хъинссар. Гъарца базугу оьккисса задиртта-яту буруччин ялувссар. Циксса халкъри, зума дугъаврияту бачIва ккашил шавугу, мякъ шавугу дакъа, чирин хIасул къашайсса! Цахъва цама карагъатсса ихтилат буллай гъалгъа тIисса ухъурчагу, на зума дургъуну ура куну, мунаяту арх хъунссар.

Зума личIан дайсса задру

КIорххил чаннал асар загъир хъанан бивкIун махъ, баргъ лавгшиву мйаьжан хъуннин лякълувун зад гъарча, ча гъарчагу, зумух гъарчагу, кьункьух, вичIилувух, бакIравун гъарчагу, аьвратравун гъарчагу, мукъахун гъарчагу, зума личIайссар, зия шайссар. ХIатта, тIагъарат байний, кIиссурал бакI мукъахаллил вив гъарчагу личIайссар. ЩарссаничIа утту ивхъуну шариаьт барчагу личIайссар. Утту къаивхъуна махсара-хъярч бувну, ягу кIунттиву тIааьн бувну шагъват буккарчагу личIайссар. Амма щяйтIаннул ххихху ивтун (хъяврин увну), ягу пикрилийну, ургаврийну буккарчарив, къаличIайссар. Щарсса хIайз хъурча, оьрчI барча, личIайссар. Ахпув, ххян зумув дуркун махъ, зана риртун дюкъарча личIайссар. Амма, къакъарттул бакIраятра дюкъарча къаличIайссар. Къасттирай кIарчI учирчагу личIайссар, цала ихтияр дакъана учирчарив, къаличIайссар. ЧIюмпи дюкъаврил къаличIайссар. Амма, къацIлива къатIув дуркун махъ дюкъарчарив, личIайссар. Чаклийн иссайний кьункьув, зумув щин ларсун вив гъан дарча, карчIаншиву дурну, хъиннура гивуннай диян дуллай уна гъарча – личIайссар, акъахъурча къаличIайссар.

Гъуслу буллай уна, цакуну вичIавух, кьункьух, зумух вив щин гъарча – къаличIайссар. Къалиян учаврийну личIайссар. Къасттирай кIарчIучунсса дюкъарчагу личIайссар. Гужрай зад дукан арча, хIачIан арча, ягу увгуну зумух рутIирча къаличIайссар. Зума дургъушиву къакIулну, хъама риртун зад дукарча, хIачIарча къаличIайссар циксса дукарчагу. Мукунма хъама бивтун цамур зума личIан дайсса зад барчагу зума зия къашайссар.

ТаравихI-чак

ТаравихI-чак – Рамазан зуруй хъатIан чак бувну махъ байсса суннатсса чакри. Му чак Рамазан зуруй гъарца хъхъуну байссар, цалчинмур хъхъуния байбивхъуну. ТаравихIрал чак жамааьтращал мизитраву баву хъинссар. Агарда мукун бюхълай бакъахъурча, шаппа кулпатращал, чIаххуращал буванссар. Мукунгу бюхълай бакъахъурча, бучIиссар цалвалу бангу. Му цуппагу гужсса, цакъ бувсса суннатри (суннатун-муаккада), Жула Идавсгу ялув авцIуну, лях къакъабитлай буллай ивкIссар. Мунихсса чиригу хъинну хъунмассар.

ТаравихI-чаклил мйайра ракааьт давайссар, кIи-кIира ракааьт дуллай. Бувну кьуртал хъувкун, шанна ракааьтрайсса витрулул чакгу байссар, цал кIира ракааьтрайсса чак бувну, яла ца ракааьтрайсса бувну.

ТаравихI-чак баврил низам ТаравихI-чак байссар мукъва кIи-кIира ракааьт дусса чакру буллай, миннул дянив дуаьртту дуккай. Мий дуаьртту яларай чирчуну дуссар.

1. ХъатIан чак бувну махъ, суннатсса ратибат-чакгу бувну цалчинмур дуаьт дуккайсар.
2. Цалчинмур таравихI-чак бувайссар.
3. Цалчинмур дуаьт дуккайсар.
4. КIилчинмур таравихI-чак бувайссар.
5. Цал кIилчинмур дуаьт дуккайссар, яла цалчинмур дуаьт дуккайссар.
6. Шамулчинмур таравихI-чак бувайссар.



7. Цалчинмур дуаьт дуккайссар.
8. Мукъулчинмур таравихI-чак бувайссар.
9. Цал кIилчинмур дуаьт дуккайссар, яла цалчинмур дуаьт дуккайссар.
10. КIира ракааьт витрулул чаклил дувайссар.
11. Цалчинмур дуаьт дуккайссар.
12. Ца ракааьт витрулул чаклил дувайссар.
13. Шамулчинмур дуаьт дуккайссар.

ТаравихI-чак буллалени дуккайсса дуаьртту

Дуаьт №1. Ла хIавла ва ла къувата илла биллагъ. Аллагъумма салли аьла али МухIаммадин ва саллим. Аллагъумма инна насъалукаль-джанната

фа-наоьзубика мина-н-нар.

لَا حَوْلَ وَلَا قُوَّةَ إِلَّا بِاللَّهِ
اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ وَسَلِّمْ
اللَّهُمَّ إِنَّا نَسْأَلُكَ الْجَنَّةَ فَتَعَوَّذْ بِكَ مِنَ النَّارِ

Дуаьт №2. «СубхIаналлагъи валь-хIамдулиллагъи ва ла илагъа иллаллагъу валлагъу акбар. СубхIаналлагъи аьдада халкъигъи ва ризаа нафсигъи ва зината аьршигъи ва мидада калиматигъ». (3-ла)

سُبْحَانَ اللَّهِ وَالْحَمْدُ لِلَّهِ وَلَا إِلَهَ إِلَّا اللَّهُ وَاللَّهُ أَكْبَرُ
سُبْحَانَ اللَّهِ عَدَدَ خَلْقِهِ وَرِضَاءِ نَفْسِهِ وَزِينَةَ عَرْشِهِ

وَمِدَادَ كَلِمَاتِهِ

Дуаьт №3. «СубхIана-ль-маликиль-къуддус. СубхIана-ль-маликиль-къуддус. СубхIаналлагъи-ль-маликиль-къуддус, суббухIун-къуддус, раббуль малаикати ва-р-рухI. СубхIана ман тааьз-заза би-ль-къудрати ва-ль-бакъаь ва къагъара-ль-эбада би-ль-мавти ва-ль-фанаь. СубхIана раббика раббиль-эззати аьмма ясифун ва саламун аьла-ль-мурсалина ва-ль-хIамду лиллагъи раббиль-аьламин.»

سُبْحَانَ الْمَلِكِ الْقُدُّوسِ سُبْحَانَ الْمَلِكِ الْقُدُّوسِ سُبْحَانَ اللَّهِ الْمَلِكِ الْقُدُّوسِ سُبُّوحٌ قُدُّوسٌ رَبُّ الْمَلَائِكَةِ وَالرُّوحِ سُبْحَانَ مَنْ تَعَزَّزَ بِالْقُدْرَةِ وَ الْبَقَاءِ وَ فَهَرَّ الْعِبَادَ بِالْمَوْتِ وَ الْفَنَاءِ سُبْحَانَ رَبِّكَ رَبِّ الْعِزَّةِ عَمَّا يَصِفُونَ وَسَلَامٌ عَلَى الْمُرْسَلِينَ وَ الْحَمْدُ لِلَّهِ رَبِّ الْعَالَمِينَ

Ялув чирчусса цинярдагу дуаьрду дуккайссар лахъну цинявнналагу архIал. Гай дуаьртту кьуртал хъуну махъ дуккайссар хъиривсса дуаьт:

«Аллагъумма инни аоьзу биризака мин сахатлика ва бимуаьфатика мин оькьубатика ва бика минка ля ухIси санааьн аьлайка анта кама аснайта аьла нафсик».

اللَّهُمَّ إِنِّي أَعُوذُ بِرِضَاكَ مِنْ سَخَطِكَ وَ بِمَعَاذِكَ مِنْ عِقَابِكَ وَ بِكَ مِنْكَ لَا أَحْصِي ثَنَاءً عَلَيْكَ أَنْتَ كَمَا أَثْنَيْتَ عَلَيَّ نَفْسِكَ

Бусурманнан кӱлнӱ бикӱн мюнпатмур

Мухӱаммад Идавсил ﷺ увкуссар: «Зу зунма ризкӱи гьарза шаву чӱа учара садакӱа баврийну». Абли-асхӱаблул ﷺ арс Хӱасаннуяту ﷺ буслай бур: «Хью дахъаву ва тӱахӱни-кӱичӱу шюшаву хъанахъиссар ризкӱи булаврил сававру».

макъала: Бариев Мухӱаммад

Ризкӱи чӱяву шаврил сававру:

- Анавар кьаувккун, шаллуну, паракьатну, хӱурмат буну, Аллагънан ﷻ мютӱийну чак баву;
- Чакливу фаризамургу суннатмургу шаллуну биттур даву;
- Зухӱа чак буллалаву;
- Хьхъувай сура «Аль-Вакъиаът» буккаву;
- «Аль-Мульк», «Аль-Музаммиль», «Ал-Лайль», «Аш-Шархӱ» сурарду буккаву;
- Акбар учиннин мизитравун учӱаву;
- Мудангу чаклин ивссуну икӱаву;
- Витрулул чакру ва кӱюрххил чаклил суннат шаппа баву;
- Витрулул чак буну мукъах дунияллул хаварду кьабусаву;
- Ца хьинну чара бакъа адимина хъаннил мажлисраву ша кьаикӱаву;
- Бачӱвасса, мюнпат бакъасса хаварду кьабусаву;
- Кӱюрххил ччяни изаву;
- Ххуйсса хатӱлий чичлааву;
- Тӱаабнсса лажин дуну икӱаву;
- Ихтлат нахӱуну баву;

Оьрму лахъи шаврил сававру:

- Хьинсса аьмаллу чӱяву баву
- Халкьуннан зарал биян кьабаву;
- Хьуниминнал хӱурмат баву;
- Мачча-гъанминнашл бавкьуну, дакьилну икӱаву;
- Щюллисса мурхӱру кьукъаврияту урувччуну икӱаву;
- Чаклин иссаву цила багъайкун шаллуну даву;
- Чак багъайкун шаллуну, даража хъун буну баву;
- Хӱаж ва оьмра цал-архӱал баву;
- Чурххал цӱллу сагъшиву ядаву зарал биян кьабаву;

За дакӱний личӱаврил сававру

Лавхъхьумур дакӱний личӱаврил хъуннасса савав хъанахъиссар лахъхъайсса чӱмал хӱарачат баву, тикрал баву, дукра-щин уччиннин кьаканай, чан даву. Мукумма, хьхъувай ивзун суннатсса чак баву, Кьуръан буккаву. Аьлимтурал тӱимунин буну, луттирах урувгун Кьуръан буккавунияр за дакӱний личӱан дайсса савав дакъассар. Дакӱних буккавунияр луттираваун уруглай бувккуну хьинссар, цанчирча, ургаврихлугу чир хъанай бунутӱий. Идавсил ﷺ хӱадисраву увкуну бур: «Ттул умматиннал яла ххуймур аьмал – луттираваун урувгун Кьуръан буккавури» – куну. Ялагу за дакӱний личӱан баврил сававру хъанахъиссар Идавсил ﷺ салават чӱяруну дутаву, сивак дуккаву, ницӱ дукаву, кюрххил дачӱра ххюттуйн 21 киш-миш букаву.

За хъама битаврил сававру

Щюллисса кинза канакаву, кьурчӱисса гьивч канакаву, кӱялазуруйсса чичрурду ккалаккаву, бавхӱусса варанттал дьних заназаву, сагъсса нацӱ шяв бутава, кьинттуллуха оь бищаву (хӱижама, кровопускание).

Щяйтӱаннул дустал ва душмантал

Аллагъу Таабланал увкуну бур Кьуръанналуву (мяъна): «Хӱакьну, щяйтӱан зул душманни, му душманну битияра» (сура Фатӱир, аят 6).

макъала: Шамил Хӱажиев

Вагъб ибн Мунаббагълуясса хӱадисраву бувсун бур ца чӱмал Аллагънал ﷻ амрулийну иблис Мухӱаммад Идавсилчӱан ﷻ бувкӱшиву. Му бувкӱн бур хъунав хьусса кьужлул сипатрай, канил аьсавгу дургъуну. Идавсил ﷻ цӱувххуну бур: «Ина цура?» – кунуча, ганил увкуну бур: «На иблисра». «Вин ци аьркинну дур?» – цӱувххуну бур Идавсил ﷻ. «На бувкӱра Аллагънал ﷻ амрулийну, вил суаллахъхъун жавабру дулуншиврул», – куну бур иблис-лул. Яла Идавсил ﷻ цӱувххуну бур: «Я малоьн! Ттул умматраву вил цими душман уссар?» – куну. Иблислул жаваб дулуну дур: «Ттул ацӱния ххюя душман уссар, цалчинмагу инара (Мухӱаммад ﷻ); кӱилчинма – аьдлу бусса паччахӱ, бакӱчи, имам; шамулчинма – чумартсса, сахаватсса аваданчу; мукьилчинма – тӱайлану дахху-ласу дуллалисса маша-чи; ххюлчинма – Аллагъная ﷻ нигъ дусса аьлимчу; ряххулчинма – халкь тӱайласса ххулийн тӱайла буллалисса муьмичув; арулчинма – дакӱ кӱлкулусса муьминчув; мяйлчинма – мудар тавба дуллалисса бусурманчув; урчӱулчинма – хӱараммуничӱан гъан кьашайсса бусурманчув; ацӱлчинма – мудар чаклин ивссуну икӱан хӱарачат байма; ацӱния цалчинма – Аллагънал ﷻ ххулий чӱявусса садакӱа байма; ацӱния кӱилчинма – ххуйсса хасият дума,

чӱаравминнашл дахӱаву дума; ацӱния шамулчинма – цайминнан мюнпат бума; ацӱния мукьилчинма – Кьуръангу лавхъхъуну чӱявуну га буккайма; ацӱния ххюлчинма – хьхъувай, цайми шанашисса чӱумал ивзун Аллагънаха ﷻ эбадат дайма» – куну бур иблислул. Яла Идавсил ﷻ цӱувххуну бур: «Вил дустал цари?» – куну. «Ттул ацӱла дус уссар, цалчинмагу – зулмукарсса бакӱчи; кӱичлинма – дакӱ хъунасса аваданчу; шамулчинма – дахху-ласулуву хиянатшиву дайсса маша-чи; мукьилчинма – хӱан-чяхир хӱачӱайма; ххюлчинма – инсан ивкӱума, оьттулчув; ряххулчинма – зуна байма; арулчинма – ятинтурал хъус зеххайма; мяйлчинма – чакличӱа пикри бакъашиву дайма; урчӱилчинма – закӱат кьабудайма; ацӱлчинма – ва дунияллийсса оьрмулин хъунмасса хъул бивхъуну, цува ахиратлухъхъун гъантӱиву хъама бивтма», – увкуну бур щяйтӱаннул. («Танбигъ», 565 лаж.) Щяйтӱан – инсаннал яла гужмур душманни, муния бувсун бивкӱссар циняв идавстурачӱан гъан бувсса луттирдаву. Ялагу бусурманчувнал душмантал хъанахъиссар ва дуниял ва цалва насф. Аллагънал ﷻ увкуну бур: «Ва дунияллул хъяврин бан мабикӱари...» (сура Лукъман, 33 аят). Му бакъассагу, кӱай ялув кӱицӱ лавгсса иблислул дустурашл дусшиву давриягу зарал бакъасса, мюнпат кьабикӱантӱиссар. Аллагънал ﷻ жухъхъунма аькьлу булуннав, щяйтӱаннул дустал кьавхъуну, ганил душманталну бикӱан. Амин.

Къатлул адабру

Инсаннал оьрму бутайсса кӱану хъанай бур ганал къатта. Му бур ялапар шайсса, кулпатрашл, оьрчӱашл игъа лагайсса кӱану. Хӱадисраву увкуну бур: «Къатта бувчиннин члаххучу увча, сапарданин укканнин гьалмахчу увча». Мунияту хьинну хьинссар ххуйсса члаххул бусса, мизитрачӱан гъансса кӱанай яхъанан хӱарачат баву.

макъала: Хӱажу Оьмаров

Къатлувун увххун нанисса чӱмал урчӱамур ччан хьхъичӱ лавсун ухайссар, Идавсил ﷻ дуклай ивкӱсса дуаьгу дурккуну: «Аллагъумма инни асьалука хайра мулажи ва хайра махражи. Бисмиллагъи харажна ва аьла раббина таваккална», – куну

Инсаннал ва дуаь дуккайтту, щяйтӱантрал учайссар: «Гьархъхъуну жунма шикку хьхъу рутансса иш бакъар», – куну, инсаннал хьирив къатлувун буххан кьашайссар. Къатлувун увххукун, гивусса кулпатрахъхъун, оьрчӱахъхъун салам булуну хьинссар. Шава цучӱав акъахурча, салам булаврил суннат биттур баншиврул «саямун аьлайна тахӱийятан мин эндиллагъи тӱайибатан мубаракатан» учайссар. Хӱадисраву бувсун бур Мухӱаммад Идавсил ﷻ шавай ухайхтту хьхъичӱра-хьхъичӱ сивак дуккайсса диркӱшиву.

Цаманал къатлувун уххан ччисса чӱмал чара бакъа ихтияр ласун аьркинссар. Ца чӱмал Идавсил ﷻ шава щяивкӱсса чӱмал ганачӱан ца адиминал увкӱн цӱувххуссар: «Бучӱирив уххан?» – куну. Идавсил ﷻ цала кьулугъчинахъ увкуссар:



Маккалив Мухӱаммад Идавсил ﷻ къатта бивкӱсса кӱанай бувсса библиотека

«Насуча, ганан тӱайлану ихтияр ласун лахъхъин ба!» – куну. Кьуллугъчи увкуну лахъхъин бувссар: «Ассаламу аьлайкум, бучӱиссарив ттун уххан?» – учин. Мукум цӱувххукун, Идавсил ﷻ ихтияргу дулуну «Утти ухху», – увкуссар. (Абу Давуд). «Цума ура» – кусса суал булайхтту, «на ура» учин кьабучӱиссар, цала ца бусан аьркинссар, пулансса инсан ура куну. Мухӱаммад Идавсил ﷻ шардасса даву дайсса диркӱссар, жунмагу суннатссар чӱирисса дунугу къатлувусса кушу баву, шаппаминнан кумаг баву. Къатлуву ххуйшиву даву – Идавсил ﷻ суннатри, мунихлугу чир шайссар. Хьинну агьамсар къатлуву Кьуръан буккаву, Аллагъ ﷻ кӱицӱ лагаву. Аллагънал ﷻ цӱла кӱицӱ кьалагайсса къатта хӱатталлуха лавхъхъуссар.

Идавсил ﷻ бувсӱссар Кьуръан буккайсса къатри малаиктуран ссарунная чӱалан бикӱайшиву, жунма хьхъувай цӱуртти чӱалайсса кунма. Чӱявусса асхӱабтурал Идавсил ﷻ миннат байсса бивкӱссар цалва къатлуву чак бан, га кӱану мудар чак байсса кӱануну ишла булланшиврул. Жунмагу хьинссар къатлуву шалва кулпатрал, оьрчӱал чак байсса кӱану личӱи буну битаву. Къатлува уккаврилгу дуссар цила адабру. Увкуну хьинссар куямур ччан хьхъичӱ лавсун «Бисмиллагъи, таваккалту аьлалагъ ва ла хӱавла ва ла кьуввата илла биллагъ» увкуну. Ва дуаьгу дурккуну къатлув увкманачӱан гъан хьусса щяйтӱан хӱал лавсун багъайссар, куну бур хадисраву.

Ччаннайх ччан бутаврия Исламраву ци тий буссар?

Имам Аль-Гъазилинал «ИхГъя оьлуму-ддин» тисса луттираву увкуну бур ччаннайх ччан бутун щяиклаву дакI хъунасса агъалинал хасият душиву. Мунияту мукун щяиклаву къахъинссар.


Бусурманнал цусса шин та дайдишайсар?

Бусурманнал календарьданин бувну цусса шин дайдишайсар мухларрам зуруй.

Киссураву къуртIусса духьурча чаклин иссаву зия шайсарив?

Къашайсар.

Бучиссарив чак байсса душнин каруннал кIиссурттайсса михьру лахьи буллан?

Исламрал адабрайн бувну, гьарца бусурманчунван ва бусурмансса хьамитайпалун нюжмар кьини михьру къукъаву хьинссар. Муниву ххуйшивугу, марцIшивугу дуссар, МухIаммад Идавсил  суннатрал хьирив бачавугу хьанахъиссар. Мунияту, михьру лахьи баву къахъинссар хьаннин бику араптуннан бику.

Институт Теологии и Международных Отношений

Уникальность института:

Совмещение светского и религиозно-го образования;
Раздельное обучение юношей и девушек;
Высокий уровень воспитательной работы;
Объективная оценка знаний, отсутствие протекционизма и коррупции;
Возможности для студентов стажироваться за рубежом.

Факультет теологии и религиоведения

Направление 033400.62 «ТЕОЛОГИЯ», квалификация – Бакалавр теологии, профиль «Исламская теология». Срок обучения по очной форме для лиц, имеющих базовое исламское образование, – 4 года, для остальных лиц – 5 лет.

На заочную форму обучения принимаются только лица, имеющие исламское образование.

Срок обучения до 3 лет.

Перспективы выпускника: работа в школах, колледжах, вузах, научно-исследовательских и госучреждениях, органах безопасности, религиозных организациях, структурах по паломничеству и др.

Факультет лингвистики и журналистики

Направление 035700.62 «ЛИНГВИСТИКА», квалификация – Бакалавр лингвистики, по профилю «Теория и методика преподавания иностранных языков и культур». Срок обучения



очно – 4 года.

Перспективы выпускника: работа в школах, колледжах, вузах, научно-исследовательских и государственных учреждениях, международных организациях.

Направление 031300 «ЖУРНАЛИСТИКА», квалификация – Бакалавр журналистики. Срок обучения: очно – 4 года, заочно-5 лет.

Перспективы выпускника: работа в средствах массовой информации, газетах, журналах, телевидении и радио, исламских СМИ; в структурах по связям с общественностью.

Факультет международных отношений

Направление 031900.62 «Международные отношения», квалификация: Бакалавр международных отношений. Срок обучения: очно – 4 года, заочно-5 лет.

Направление 035300.62 «ИСКУССТВА И ГУМАНИТАРНЫЕ НАУКИ», квалификация Бакалавр искусств и гуманитарных наук, по профилю-международные отношения, политические науки и права человека. Срок обучения: очно – 4 года, заочно-5 лет.

Перспективы выпускника: работа в области международных отношений, дипломатии, политических наук и прав человека, межкультурных коммуникаций и бизнеса.

Большое внимание уделяется из-

учению иностранных языков, геополитики, процессов глобализации, внешнеполитических процессов и их регулирования.

Факультет экономики и информатики

Направление 080100.62 «Экономика», квалификация – Бакалавр экономики, по профилю «Бухгалтерский учет, анализ и аудит».

Срок обучения: очно – 4 года, заочно – 5 лет.

Перспективы выпускника: работа в учетно-аналитической, аудиторской, административно-управленческой, внешнеэкономической сферах.

Направление 080500.62 «БИЗНЕС-ИНФОРМАТИКА» квалификация-Бакалавр бизнес-информатики. Срок обучения: очно-4 года, заочно-5 лет.

Перспективы выпускника: работа в сфере бизнеса и финансов, с применением инфо-коммуникационных технологий, маркетинга, управления персоналом, логистики, в исследовательских учреждениях по бизнесу и информатике, менеджменту, экономике.

Приём документов: с 10 июня.

Адреса приёмной комиссии института:

1. Махачкала, ул. Дахадаева, 136 (рядом с Центральной мечетью)
 2. Махачкала, пр. А. Султана, 10-й километр (рядом с заводом ДСК)
- Тел.: +7 (8722) 94-00-60, 94-00-66, 93-77-28

ДАГЕСТАНСКИЙ ИСЛАМСКИЙ УНИВЕРСИТЕТ ИМЕНИ ШЕЙХА МУХАММАДАРИФА ОБЪЯВЛЯЕТ ПРИЕМ АБИТУРИЕНТОВ НА ОЧЕРЕДНОЙ УЧЕБНЫЙ ГОД

Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

Продолжительности обучения:
в медресе – 3 года;
в университете – 5 лет.

ДОКУМЕНТЫ НЕОБХОДИМЫЕ ДЛЯ ПОСТУПЛЕНИЯ:

1. Нотариальная копия аттестата

или диплома;
2. Копия паспорта;
3. Фотокарточки размером 3/4 в количестве пяти штук;
4. Медицинская справка Ф 086;
5. Копия прививочного сертификата Ф 156/у-93;
6. Рекомендация от преподавателя религиозного обучения либо от руководителя мечети (имама) расположенной по месту жительства абитуриента.

ПРИНИМАЕМ ПО АДРЕСУ: Г. МАХАЧКАЛА, УЛ. ДАХАДАЕВА 136
С 1 ИЮНЯ ПО 18 АВГУСТА

Тел.: (8722) 67 55 08; 8 988 294 56 16

**Хурмат бусса уссурвал ва ссурвал!
Зунма цIуххин ччисса,
ИсламрацIун, ШариатрацIун,
кулпатрал багъу-бизулуцIун бавхIусса ва цаймигу суаллу
гъан бан бюхъайссар SMS – райхчин ва номерданийн:
8-928-580-37-89, ягу 51-85-22 номерданийн оьвкуну
цIуххин.
e-mail: assamlak@mail.ru**

Рузнама						
Июль						
Кьини	КIюрххил чак	Баргъ буккаву	Ахттайн чак	Ахттакьун чак	МаркIачIан чак	ХьатIан чак
1	2:53	5:12	12:53	16:56	20:34	22:33
2	2:53	5:12	12:53	16:56	20:34	22:33
4	2:55	5:13	12:53	16:56	20:33	22:31
6	2:58	5:15	12:54	16:57	20:32	22:30
8	3:01	5:16	12:54	16:57	20:31	22:29
10	3:03	5:17	12:54	16:57	20:31	22:27
12	3:06	5:19	12:55	16:57	20:29	22:26
14	3:09	5:21	12:55	16:56	20:28	22:24
16	3:11	5:22	12:55	16:56	20:26	22:22
18	3:14	5:23	12:55	16:56	20:25	22:20
20	3:17	5:25	12:55	16:56	20:23	22:16
22	3:19	5:27	12:55	16:55	20:23	22:14
24	3:23	5:28	12:55	16:55	20:21	22:10
26	3:26	5:30	12:55	16:54	20:19	22:07
28	3:30	5:32	12:55	16:53	20:17	22:03
30	3:34	5:34	12:55	16:53	20:15	22:00